

聖朝新政要略

聖朝新政要畧

十一月初四日

。兵部接出

聖諭朕御極以來深思治理國事有逆惡魏忠賢擅
切國柄妬盜內帑誣陷忠直草菅多命狼如狼虎
本當肆市以雪衆冤姑從輕處亡命之徒身帶凶
器不勝其數齋擁隨行勢若叛然朕心甚惡着錦
衣衛差的當官祈前去紐解押赴彼處交割明白
至經過地方着各該撫按等官多撥官兵沿途護

送景郭興言何
南陽侯人內科
工部副郎興

送所有跟從郡奸即就擒拏具奏勿得縱容遺患
若有疏虞責有攸歸爾兵部馬上差官星夜傳示
各該衙門特諭

左副都仍管工科事郭興言一本為君側之巨奸
雖除

祖宗之大法未正蓋再悉罪狀以祈

聖斷事應數忠賢之罪當立賜誅極者有五忠賢
脩怨惜縉紳以攻縉紳大權一入宰不可出中官
禮預國政一 非軍功禮廢公侯伯爵二 欲殺

皇親張國紀舊府丞劉志選以逢迎上疏而得標
江美缺三 皇親李承恩乃世廟庶兄公主附馬
李和之子襲錦衣衛加陞都督無大罪過止因得
罪魏忠賢力主承恩僕隸陳才捏告擅穿龍衣玉
帶以公主欽賜之物坐承恩違禁有犯官楊州知
府劉鐸以他事偶為承恩稱冤聞忠賢有腹心張
體乾捏誣咀呪重臣引壽書祖父母律斬于市決
不待時知府可殺 皇親可冤罪四 狀如祀胡
士客以道官不拜生祠一坐以制軍激變一坐以

監盜倉糧罪之大辟五 奉

聖旨所列忠賢五罪甚快人心堪稱權奸鐵案奏內
李承恩羅織擬辟着即寬宥劉志選已着削職耿
如杞胡士容已有旨了

逆案張文熙北直
景州人登五科御史
加少卿○太僕卿仍管浙江道張文熙為

聖政維新敬獻一得仰贊中興事內言舊樞臣王永
光舊台臣高弘圖以應變陳言而去 潘汝禎首
建生祠 劉志選奏言張國紀太監李明道崔文
升宜一并撤回

逆李燦然浙江
諸宦人乞其山史

聖旨覽奏內高弘圖因變陳言具見忠愛着該部酌
用劉志選奔競權門離間母后削藉為民起用王
永光撤回李明道等俱已有旨了

福建逆李燦然為一時奸貪當嚴加處分萬年實
錄亦宜速行改正事

祖宗立法交結內侍有禁蓋謂其禍必中于國本元
亮既去然不究其犯上無將之實不窮其濁亂朝
政之源不清其此唱彼和之私不按其自吐自供
之實則其奸未露其党未明試檢七年以來一切
新政紀畧

卷二

三

章疏

先帝批答詔諭恭進御覽誰為監壙準而頌德稱功
誰為効孤媚而貢諛獻佞誰先擁戴以居功誰肆
驅除以入幕大臣以斤逐為常小臣以剗奪為幸
謂宜速令聞臣盡發其偽以明示非

先帝之意

。禮部接出

聖旨原封成妃李氏因逆黨魏忠賢竊弄國柄矯旨
革奪卿寬未雪朕思

皇兄在天之靈仍復成妃

。文書房傳出

聖旨籍沒犯人魏忠賢及客氏家私着東華太監張
邦紀等眼同廠衛及五城御史等官打點勿得隱
匿

。兵部接出

聖諭朕惟軍旅國之大事必事權一而後號令行必
人和協而後勝算得勢敵則交接力均則無別自

新
政紀畧
非審一以定期何由出令而制勝

卷二

四

先帝于宣大關前寧遠東江等處督撫而外分遣內
臣協同鎮守蓋亦慎用之意而一柄兩操徒弄滋
弊比來內外督臣愈見參商委成贊員督鎮諸臣
各有異見委難并任矧宦官古來有戒朕今于各
處鎮守內臣一概撤回一切相度機宜調度無使
委任不專體統相襲以藉其口各鎮督撫諸臣及
大小將領務提起精神殫竭忠盡以付朕懷語曰
明君委任以責成功成有重賞不成有顯罰其敬
聽朕命爾兵部即馬上差人傳與各臣每知道諭

到之日各內臣即著作速馳驛回京將原領在官
器械馬匹如數并交與督撫官分給諸將以備戰
守開數具奏其自備器械馬匹攜帶回京毋得阻
抗特諭

十一月初五日

逆案圖為者浙江
鄞縣人內各料

○江西道御史周昌晉為聖斷既彰言路再闢謹
陳時政之要以一治體事 一慎票擬前者旨多

偽傳今宜盡歸閣臣親賜御批不令口傳或不時
召見面商可否 一明職掌六部各有職掌忠賢

據而專之某人之應升出于裡面要用某人應升而不升出于裡面要處其緝訪之人皆關說市權之人東廠理刑孫雲鶴奸貪之尤鎮撫羅綱張而刑部無三尺矣所養負來多而工部無體統矣朝列清楚職守昭明斯守道守官之要也 一慎名器忠賢茅土封廕薦侈已極滿朝宮保貴即卿寺工匠廕子至賢重之徐可大得于奧援之囑託官闕之趙廣胤出于內臣之保舉又有藩封致勞添註侍郎之朱國威吏部宜勸酌升轉之法以澄清

仕路也

先帝嚴于門戶故以重典行之後乃反其術以用之
正人君子為州國中莫能自白謂宜分別起用以
舒鬱氣吏部尚書周應秋以綿軟之資挾患失之
念中樞以七人累責而權載惟一崔呈秀魏撫民
之改尚寶非制也曾不少停孫如列之建祠即日
登堂而拜亦可謂蒙面喪心矣伏乞速行罷斥
奉

聖旨票擬原屬閣臣職掌其事關重大親題御札不
漸改紀卷二

此書在江秀
外人俱主科開局
時廷和局即又

時召見朕當次第採行至慎名器起廢棄該部分
別酌復

○湖廣道御史曹谷為鳳曆新頒鴻漸應運仰祈
聖明開言路以成一代中興事伏讀 明旨一則曰
朕有獨斷一則曰宏開言路已令狐鼠潛消幽遐
頗耀然今南北科道寥寥考選甚不可竊大臣如
王永光霍維華或以天變陳言或以邊功多訖見
幾明決不可多得至于科道諸臣有十年考選一
到卽斥之蔡國用有賜環未幾掌道卽斥之王業

浩有指掌違情而條奏被斥之黃承昊有避嫌建
祠而巡視被斥之虞廷陞有循次題差而頒行被
斥之陳以瑞有陳漕務民情而反加剝奪之何早
至懸坐門戶不一而足借東林之名色陷西方之
美人卿貳詞林亦復不少頃者一二小臣有言亦
蒙採納明亦不厭翦芟譽衆正于皇路遊天下于
蕩平彼倚草附木憑藉水山自知薰蕕不同器願
面無所施今日自陳一人明日請告一人不覺蕞
莠自陰而佳禾日茂矣 奉

聖旨王永光霍維華著卽與起用其廢去言官諸臣
核其生平始末果非和黨許疏名上指以憑裁奪
。戶部四川司主事劉鼎卿為仰遵明旨敬獻太平
第一義事內叅首輔黃立極果擬無一事不歸功
厥臣甚而駢詞對偶稱神稱聖當

先帝未晏駕時二十餘日論音之下如雨此時果擬
不知為誰當以大不敬論者如薊遼總督劉詔五
年前不過盧氏縣令未幾而副使而按察司布政
未幾而建牙為總督伊誰票擬耶如戶部尚

書張我績坐賊六十餘萬為聽勸之撫臣倚助工
為名俄而侍郎俄而尚書俄而宮保腰玉磨子伊
誰票擬耶大明律有持寸刃入宮殿門內入皇城
杖一百發邊遠充軍非宮殿及

太廟內放砲彈磚石者何等律法內操一設誠恐一
聲砲響天下事竟不可知矣忠勇營一日不撤即
忠賢一日不去矣

○漕運太監李文道自陳淮回○太監崔文昇淮回
○刑部一本欽奉恩詔事奉
新政紀畧 卷二

漢書已見

聖旨嚴銜深文鍛練深加痛恨敢如杞着與復原職
胡士容李柱明俱照奏內擬發落方震孺惠世揚
着九卿科道從公會議來說

○御史周昌晉一本貪好事奉

聖旨假旨害人嚴權植黨朕已處分

先帝實錄史臣纂修着東公論其已經彈劾諸奸
私顯著者仍着不時糾劾

十一月初七日

○吏部司務甯承熙為宇宙之義氣已伸門戶之坐

名多誣乞九卿科道從公勘實以洗沉寃以光新
新政事自魏忠賢怙勢作威車帷擅政羣兇交臂
報伏公行乃立門戶之名恣其一網打盡之術勝
臆數字抹殺生平蔓引株連捕風捉影輕猶削奪
以為恩重則玉石之俱碎搔手觸禁重足謀生閭
家之元氣幾漸縉紳之慘禍已極天開泰運
聖主秉乾採用群言逐魏忠賢崔呈秀一時檄回各

邊內鎮以煥伏

祖宗舊規至于奸黨之所擠擯已死者不知其幾何

人矣至于為黜落為請擬亦當速為議復 奉
聖旨這本說廢銅諸臣明白從公勘來具奏已有旨

了

逆案陳爾翼浙江
山人內衣并例
刑起朝局史料
事加太常寺卿
吏部陳爾翼一本 寶曆初頒事 奉

聖旨覽奏廢棄諸臣果有真才真器自宜確勵起用
以襄大道迨霍維華周道登等看該部科從公詳
核本末分別具奏俟朕裁用朕如杞情罪可原已
有旨了

逆案陳爾翼浙江
山人內衣并例
刑起朝局史料
事加太常寺卿
在副都管工部陳維新奏為部臣情窮巧卸並再

疏糾駁以質公論事內駁薛貞之不救耿如杞胡
士容等而追贓不受頗指挺立弗回之季養正執
法不阿益甘錫秩之沈演所當効法者今忠賢雖
除餘成尚振田爾耕經職白簡已不必贅至鎮撫
掌印許顯純理刑孫雲鶴楊袞崔應元等亦併宜
重治之 奉

聖旨這所奏事情朕已洞悉法司從公會審除大奸

惡人命重情律有明條的不許濫開其情罪本係

新
政
紀
畧
鍛
練
重
擬
的
着
確
審
釋
放
楊
襄
田
爾
耕
已
有
旨
了
卷二

該部知道

○刑科楊文岳為懇乞 聖明急清無辜之獄並除
媚奸之臣以廣

皇仁以彰乾斷事內救道臣耿如杞止以不拜生祠
追賊論死胡士容止以多用夫馬追賊論死 叅
順天府丞今陞南樞江劉志選逐成臣張國紀宜
速罷斥

○直隸巡按王會圖為都司乃
欽點之官獨優豈專閫之人跋扈權奸欺罔

冲聖大玷官方並據實直糾乞

賜題叅立斬么麼于市曹稍伸國法于萬一事內

叅忌八蕭惟中以妾父升客雲車營都司黃蓋乘

輿奉

聖旨徧優而居東閣大辱冠裳蕭惟中法司掣問已
有旨了

逆系

○太僕少卿官浙江道龔萃肅為賊臣罪狀未悉諸

賢召用當殷並請

審斷以光

新政紀畧

卷二

十一

聖治事崔呈秀初以部堂兼總憲尚非其意所欲為
而政府一片席正其所垂涎者當時適冢宰缺人
謀推冢宰以為枚卜地舊憲臣劉廷元道臣王業
浩聞呈秀之岳圖非據恥預會推廷元則註籍業
浩臨期引避而統均之念既阻嚴立之念未諧叩
恨矣原任南吏部侍郎錢龍錫以清貞之端品不
依門戶不阿權貴應簡輔臣而呈秀陰挽之嗣是
台省有京堂之推而王業浩與舊科臣彭汝楠具
錫袂矣又原任通政倪思輝有聲板省曾疏斥客

甯州華公集

徐楊先生集

氏原任兵部尚書霍維華挺論邊功毅然以已廢讓與袁崇煥反為忠賢所怒而拂衣歸田劉有源乃召用之台秩中途告病何意徐楊先非附邪黨之人推升削籍何周熊奮渭以典試直言致犯時忌而抗救之劉廷佐不免沉淪可乎他如葉有聲題差落職陸康伏等題差投閑原任御史盧謙者清正有執尚依丘壑所應一併起用者奉

聖旨覽奏劉廷元見在簡用王業浩錢龍錫以下諸

臣俱着遵旨一併從公分別酌用

新政紀畧

卷二

十一

送朱

。御史周昌晉一本董遵會勘之

旨等事 奉

聖旨這本會勘權奸而究極源委可謂切當之語連
日奏牘章滿公車總彙精擇取自上裁自是吏部
職掌朝廷用人惟求真才以濟時事若一概濫收
廢車可鑒九卿科道俱要曉得此意

。都察院接出

聖諭御極之始澄清諸奸自逆要魏忠賢等造孽異
常神人共憤將一切家產盡沒入官大快民望適

聞無籍奸棍乘機搶掠已累無辜肆無忌憚成何
法紀着都察院堂上官即傳示五城御史率領兵
馬等官多撥番快晝夜嚴加緝拏如遇前項無籍
之棍擅行劫掠速行擒拏以正國法以清輦轂但
兵馬有地方之責坐視旁觀仍前疏縱責有所歸

特諭

○吏部尚書周應秋被劾回籍

○左都督孫雲鶴被劾回籍

○吏科陳爾翼一本做臣得與勘奏之局事奉
新政紀畧

卷二

十一

崇禎元年
廷議人
處特起
部侍郎

聖旨崔呈秀事迹如會議斟酌定爰書具奏以聽裁
奪謫籍諸臣從公分別來用無遺無濫已有旨了

○工科左給事陳維新一本為

賜環業奉

明綸真才不宜久鬱並補牘以舉所知以襄太運事

內薦難進之郭革易退之徐紹吉力排祠議之林

鉉不阿權奸之喻安性及傳檄排陷矯持之高弘

圖 奉

聖旨覽奏邪奸肆談傷殘數多疏極諸臣及詞林散

館之被黜者着遵前旨一併從公分別具奏候御
批票擬已採行了該部知道

○刑科楊文岳一本懇乞聖明事 奉

聖旨這本說清刑獄一事着法司將二三年來經啟
衛緝拏深文重擬着從公會審務情罪兩合具奏
無遺株連者與審實開釋其惡奸巨魁人命重情
律有明條不得濫問俱已有旨了

十一月初八日

○禮部主事劉夢潮為權奸播弄已久流品靜觀自
新政紀畧

卷二

十四

分懇乞

聖明據顯業以叅衆論事內叅首建生祠者則浙江
巡撫潘汝禎首稱上公則順天府尹李春茂山東
巡撫黃憲卿二疏俱在也阻建生祠則司農林鈺
也如詞臣姜日廣以不附權奸遭錮劉先春以江
西二字加之門戶削奪又如原任兵部尚書王永
光工部尚書黃克緝觸時而去又如原任禮部尚
書李思誠削奪追贐亦甚慘矣伏乞
擇施行

奉

奉 聖旨 李春茂首稱上公甘嫺權亮着冠帶閑住陳尔
聖 旨 已有旨了王永光諸臣着遵旨即與起用該部
知道

知道

北鎮撫許顯純准回。順天巡撫單明詡被劾回
督師王之臣為欽奉 聖諭事

聖旨覽奏說和衷協力期掃奴氣具見忠藎朕又念
事權不一委非邊計已有旨撤回內鎮了卿一力担

當及時整頓以固封疆

○兵科許可征一本賊臣欺君事 奉
新政紀畧 卷二 十五

逆案汪裕河南商
人王科如吳少卿

聖旨蕭維中猖優賊品竄蹤都司着法司鞫究正罪
章奏字句還要雅馴

○直隸巡按汪裕 為聖治方新事 奏

聖旨崔呈秀嫁禍李思誠本素會勘自明宣大內鎮
旗尉俱撤回其補誥勅釋冤繫着該部議妥具奏
餘俱知道了該部知道

十一月初九日

○戶部員外王守履奸臣罪狀事 奉

聖旨這本說崔呈秀罪狀明悉先行削了籍為民追

奪誥命餘會勘定奪陳爾盟三疏自相矛盾是非
反覆着冠帶閑住舊輔韓爌清忠有執朕素鑒知
虞廷陞已有旨杜應芳劉先春都該部酌復

。通政呂周南為媚祠之罪既彰事 奉

聖旨該司守正不阿所薦諸臣本末俱確黃克纘即
與起用王紹徽准與贈卹林紆等及虞廷陞俱各
着伏官前來供職朕受言雖廣用才必核所薦之
人亦將轉核其薦人之人諸臣慎之

。戶部員外王守履為奸臣之罪狀甚明誅誣宜速

奸臣之黨類伏存罷升宜急伏乞

聖明天斷以彰天誅事內論崔呈秀借鑄錢盜用太
常寺歲鼎是毀先廟之宗器矣又假傳聖旨蔑視
祖制不丁親憂紊亂綱常選植奸黨布置要津則倪
文煥周良材陳爾翌李變龍非邊功非殷功倭而
右都何遠也逐徐楠等而起用六千里之周家椿
蘇繼歐與楊漣杯酒之交孫織錦固有夙隙以七
千金及珍玩投于崔呈秀吳淳夫之門遂下毒手
暗投陷害坐以死党削奪已甚流言遠繫而繼歐

投環以死是呈秀報復高攀龍之故智也織錦旋
而方伯陪推巡撫則吳淳夫當與崔呈秀並行追
贓正罪而高攀龍蘇繼歐亦當速復原官以慰冤
魂至魏持衡以監例為尚寶右寺丞欲行躡躡逐
認魏忠賢為一族將左少卿王守謙左寺丞霍蒙
霖叅處而遽升正卿又聞文臣有五虎即崔呈秀
李變龍吳淳夫田吉其一知之不真武臣有五虎
則田爾耕許顯純崔應元楊寰孫雲鶴也 又薦

甫田臣韓爌科臣杜喬芳虞廷陞劉先春 奉

聖旨朕御極以來親閱章奏果擬權出朕裁朝上夕
下未常留滯王守履奏內事情已經處分如何不
奉宣喚突入大內臣道不明紊亂朝政成何法紀
本當重處姑降三級調外任其糾議御史不行糾
勸顯是曲徇情面着回將話來

○兵部員外劉泓直陳中興第一切務以復祖制
以伸士氣以利民生事 奉

聖旨這說漕船未見挽運多遺徒滋紛擾崔文升撤
回已有旨了何早准與議復

○御史楊維垣急請明旨處分事 奉

聖旨逆孽魏良卿等上侵府藏下剝民膏家資法當
盡入豈容匿藏諸寃所訴有據着差去內外各官
將本內有名人犯行拘查究僧浴先着嚴緝務在
必獲其原籍肅寧縣家產彼處撫按嚴加封固查
明從實具奏如有容縱一體治罪

十一月初十日

○吏部主事聶慎行一本仰遵聖孝事 奉

聖旨往日追奪諸命諸臣固有可原亦宜無罪應追
漸次起畧 卷二 六

奪不為枉者如何一概補給即如近日追奪之潘
汝禎謂不當其罪乎還着分別酌議為要本中說
袁崇煥一事着與確議奉復

十一月十一日

○都察院提出

聖諭朕承祖宗洪基嗣登大寶至早夜思維銳精治
理稔知魏忠賢叨

先帝之寵任擅朝廷之威福密結權奸矯誣善類稍
有觸忌肆行慘殺數年來讎誣不知幾許削奪不

知幾許幽閨蔽日沉黑彌天冤抑所積上千玄象
以致星殒地裂兵連禍結不可勝記皆逆惡所致
也今魏忠賢崔呈秀天刑已經萬民之忿舒而詔
獄遊魂猶鬱銅籍含冤未伸豈所以昭朕維新之
治着該部院九卿科道將已前斥害諸臣從公分
別採衆定評有最可憫者應褒贈卽與褒贈應卹
廕卽與卹廕削奪牽連者應復官起用卽與復官
起用尚有身故捏贓難結家屬被累猶羈者應開
釋卽與開釋勿至久淹傷朕好生之意嗚呼天網

逆業吳孔嘉
蜀州人

恢恢無奸不破王道蕩蕩有側宜平昭茲寬結解
鬱昭蘇階之正直以後諸臣大家以國事為重毋
佚尋立黃之角外朕承平之化特諭

○編修吳孔嘉為聖主當陽事奉

聖旨太學風節重地林鈺來之後等守正不阿不附
權貴知道了林鈺已有旨准復原官該部知道

○太僕寺少卿貴州巡按陸獻明逆裔事奉

聖旨這本說黔事情形甚悉聞屯養兵嚴偵防賊具
見方畧至勦以成撫還悉心與督臣計議行

○太僕卿洪如鍾乾綱剛大振事 奉

聖旨這本說提銜流品全在觀實行課職業不宜以
東林名號銅人甚得權時針砭奸惡既去諸臣當
公忠體國勿以恩怨互相報復着實申飾行褒死
各官已有旨了

十一月十二日

○太監施梁一本權奸之惡事 奉

聖旨覽奏王安侍

皇祖皇考輔道有年勤勞茂着以忤權奸忠賢慘殺

新政紀畧

卷二

二十

貶竄私沒家貲情委可憫准復原官仍賜御祭與
他祠額名愍勞該部知道

○尚書陳九疇張我績被劾准回

○刑部主事耿應昌奏為龍網御極至治難達敬獻

刑官一得之愚以廣聖主如天之澤事 一曰釋

累臣舉狀如杞不拜生祠胡士容忤崔呈秀方震

門生迎之二曰遵法律刑當如律三曰重詔獄

春明門外二曰遵法律刑當如律三曰重詔獄

純忠賢義子一四曰禁告密

手屠殺忠良一四曰禁告密

將胡惟寧當遼事亂扯波及之日惟寧超然免于

評論之外忠賢意欲坐派游士任巨萬惟益奮烈
士之概一肩替死今絕座敲髓足暢忠賢之私且
雙育銅疾已奉

恩詔比之達奇勳實承武猶可原也

十一月十三日

○戶部主事陳此心為 聖治事重光日月普天並慶

唐虞敬陳一得下悃以贊久安長治事列十二款

一曰振會勘之大指 二曰信祖宗之法度 三

曰釐正偽冒以昭大分 四曰總查造祠以實估

報 五日彙次廢臣以待聖裁 六日覆定要典
以解銅禁 七日量恤寬臣以廣新恩 八日禁
苛索以甦解役 九日革陋規以息商困 十日
責成樞督以期廓清 十一日嚴核虛冒以裕中
外 十二日明賞罰以示鼓舞

○錦衣衛鄭士毅欽奉 聖諭事奉

聖旨是奸惡魏良卿等着送法司從重擬罪其未獲
魏良棟等都察院移文彼處撫按并緝事衙門嚴
行訪拏務在必獲以正國法該部知道

十一月十四日

○通政司楊所脩題為大奸叛跡已彰羣孽逆謀未
淨殲渠魁以正典逐脅從以煥群撫安人心肅清
世宙事慨自忠賢挫權呈秀從旁鼓之焰表裏為
奸同惡相濟附已者提之九天異已者沉之九淵
析楊斃良善之命削奪銷縉紳之骨至革宮妃
之號幽帝室之親朝廷之賞罰供一已之愛
憎竭山海之供億實一已之囊橐生殺予奪一手
障天種種惡跡科道諸臣已數言之九卿科道會
新政紀畧

卷二

三

議王化貞事而呈秀云待我上邊回過老祖爺選
一經卷帶出意在化貞也從此呼朋引類吳淳夫
等盡收之膝下且蓄亡命于禁中寄腹心于邊塞
盜帑金不下千萬買馬不止數千欲用天子禮
樂而孫如烈以上疏升官欲封玉帶劍履上殿而
業有聲楊汝成以不與削籍乞勅下各衙門凡
係忠賢義子義孫速着退避則大奸漸除矣

○工科給事中郭興言為奸惡媚權殺人之狀自供
甚悉並擬原揭奉聞仰祈聖斷立賜誅戮以雪

奇冤以定通內之罪案事內辨劉鐸之死據張體
乾之揭魏忠賢使之也乞將魏良卿張體乾楊襄
等送法司定罪 奉

聖旨劉鐸一案罪璫魏忠賢誣殺非條屬可矜張體
乾既聽使令勿得強辨擬罪已有旨了該部知
道

十一月十五日

○錦衣衛接出

聖諭朕聞之除惡務盡御世之大權人臣無將有位
新政紀畧

卷二

三

之炯戒我國家明懸三尺嚴繩大慈典至重也朕
覽諸臣屢疏陳列逆惡魏忠賢滔天罪狀具已洞
悉切思

先帝以左右微勞稍加恩寵忠賢不思盡忠報國以
酬隆遇專一逞私植党怙惡作奸盜弄國柄擅作
威福難以枚舉略舉數者將

皇兄懷慶人主生母成妃李氏假旨革奪至今含冤
未雪戚迫已封裕妃張氏立致云大生雖死九泉其
目未瞑擅將敢諫忠貞之臣羅織削奪慘毒備至

又復串同腹心酷刑嚴拷誣捏賍私立斃多命他
若蹇諤痛于杖下柔良苦于立枷臣民重足道路
以目而奸惡身受三等爵崇五等極人臣未有之
榮通同客氏表裏為奸當

先帝彌留之時猶復加恩晉秩竟無紀極今賴

祖宗在天之靈海內蒼赤有幸天厭巨惡神奪其魄
二犯罪業次第畢露朕思忠賢不止窺攘名器紊
亂刑章將戎

祖宗蓄積庫儲傳國奇珍珠寶金銀等物朋黨盜竊
新政紀畧

卷二

高

幾至一空何物神奸大膽乃爾本當寸磔念梓宮
在殯姑置鳳陽即將二犯家產着錦衣衛會同五
城及緝事衙門親詣住所一應家私庄田及違禁
等物盡數籍沒入官逐件從實開具來看其原籍
違制服舍等項着落有司親查的確具奏如有隱
匿蔽蔽等情許據實糾參一併連坐亦不得株連
無辜其冒濫弟姪親屬俱發烟瘴地方永遠充軍
嗚呼大奸脫距國典用彰自罹上辟情罪允乎特
諭

薛貞入送案

○刑部尚書薛貞被劾准回籍

十一月十六日

○御史楊維垣一本朝政方始清明群言漸已淆亂
懇祈

傳樹則天監錄
送案伯有看

聖明鑒往茲來以圖久安長治事切自魏忠賢崔呈
秀之用事也專以門戶二字害陷人益藉此以驅
異己之人但恐一呈秀去而衆呈秀又互相援引
互相驅除如諸臣只知薦用人如傳樹附和以主
張三案者也可用否楊鶴等擁帶熊廷弼等以斷

新政紀畧

卷二

二五

妙本即輔忠切入天
監錄 陸士雲
八通案

送連左者也可用否孫必顯等衣鉢趙南星鄒元
標等以背公死党者也可用否說者謂諸臣困衡
已久或洗心惕勵職則謂不肖者寂寞已久慕羶
橫發難堪他不具論如孫杰邵輔忠陳爾翌豈不
曾被邪党排陷今各依附呈秀晚節不終是往轍
之可鑒也

皇上既以票擬付內閣尤當以議論歸言官大臣中
如王永光馮三元霍維華黃克縡徐紹吉劉廷元
郭華沈演袁崇煥林鉉等之身正不阿小臣如魏

王永光等附黃吏
續錄此等劉廷元王
崇煥均入天監錄

陽三元郭華堂恒
茂均入選案

照來玄默陳熙昌李恒茂高弘圖劉重慶王業浩
耿如杞湯道衡余大成等之屈抑有據當次第用
之若孫党熊党趙党以及鄒党無復入之啟事庶
仕路可清矣 奉

聖旨這本說的是近日薦人之疏業已冗雜已後議
論還歸言官各守職業不許旁鶩言官薦人所薦
不當薦者坐罪本中所薦俱着次第起用鄒元標
素有品望不宜苛求已有旨了

○廣西道梁炳堃題為仰遵
新政紀畧

卷二

明旨俯竭愚衷以佐蕩平以襄新政事薦王永光張
鼎郭鞏白儲炤田維加李標劾薛貞劉詔孫繼錦
奉

聖旨覽奏王永光已有旨了張鼎李標等諸臣吏部
一并確酌起用人材宜擇這本俱可行孫繼錦納
賄營升着削了籍

○薊遼總督劉詔被劾准回籍

○工部尚書楊夢衮奏為停止新例以清冒濫事

一停准貢 二停納通判 三停納運判 四停

納附納附一款猶為可哂語云秀才無假 國家
儲士特設衡文使者以作養真才發軔之初豈可
便以阿堵為媒今青衿纍纍遍滿天下遊泮之日
問其所習何經所作何文漫無以對儲材之典不
幾成兒戲乎所當急行停止者也 五停王官納
升 六停納長使奉

聖旨覽奏事例准貢等六款委站官常允當議革

。刑科楊文岳一本 聖政一新事奉

聖旨這本說的是所屬諸臣俱確慎銓臣最當今進
新政紀畧

退人才第一義起用一節銓臣簡用應當從公分
別無遺以平人情無濫以定國是一切係門戶不
係門戶俱為朕擇棄不留以為玄黃相角恩仇相
尋之根在庭諸臣當體此意評博中行等官在京
應考者准先行考選以通言路有功論叙

十一月十八日

○戶部郎中加升叅議劉應遇為天下有六大苦情
神人共憤董據實畧陳仰祈 聖明矜豁處分以
快人心以光新政事 一曰諸臣逮繫之苦自楊

連二十四罪之疏請斬遂瑞忠賢而海內縉紳之
禍從此始但彼時尚苦無題目後以移宮一案懸
坐尤苦無贓借題封疆受熊廷弼賄而提騎出矣
初逮楊連一時士民若狂各州縣設醮祈禱至數
百處老嫗菜傭贅廢乞兒爭持一錢以餽連行至
許州有舊識吏部郎中蘇繼歐以一飯而遭慘毒
高扳龍左光斗以同官慘死一日諸臣拷死之
苦自楊連逮下鎮撫而諸臣之績逮者俱不赴司
寇矣惜贓加刑因刑逮斃楊連之死體無完膚重

新

政紀畧

卷二

二十六

僕驚散得 肯而後敢殮又值暑月屍供蠅蛆僅
以血濺舊衣裹置棺內此則其受

顧命鋤奸邪一場結果也有人心者獨不憐乎如是
疑其點竄疏稿而詞臣繆昌期死疑其募貲結姻
而銓臣周順昌死天地寒心鬼神飲血而王恭儉
希有之變非此希有之冤致之哉 一日諸臣追
賍之苦自借題封疆以殺善類而楊漣懸坐二萬
顧大章懸坐四萬二臣極苦而漣尤甚親戚鄉人
以反佛寺道觀無不好義施助母子住干城樓男

婦棲于客店有挈族盡逃海濱其子或死于獄死
于途父子妻兒俱為晝號之鬼于是黃緣捷徑者
日以楊左為彼富貴之媒亦可傷也 一日仕路
去就之苦自門戶株連如火燎源不獨被謫者無
樂生之意雖陳列者亦無安枕之情刀山劍海舉
足皆驚萬苦千辛幸逃食息三年四方孔道無敢
偶語者驛路停驂無敢言一魏字者去國諸臣蕭
條狼狽全無士氣 一日新進禁錮之苦凡推升
題差株連削奪者已經銓次起用乃初列班行未

經授職如文震孟陳仁錫姚希孟鄭鄮程良燾等
皆未啣一命之士也 一日廷臣被削之苦自忠
良被殺以來惟勳臣朱國弼一疏而已逆璫妖姆
作祟

先帝且不得保其 宮妃 懿親况外臣乎 奉
聖旨權奸竊柄煽虐慘毒異常所奏諸臣苦狀朕為
惻然逆惡魏忠賢原籍房產盡沒入官已有旨了
其逮死各官已徵在官既經奏報者撫按查實解
進未完的都與豁免家屬悉與釋放所薦諸臣分

別錄用俱有旨了該部知道

○上林苑監丞樊維城為奉 旨直糾諸臣顯着之
賍仰祈

聖明立賜誅籍以正國法以儆官邪事內論魏忠賢
與崔呈秀當磷磔斬于市曹 叅田吉田爾耕吳淳
夫皆應籍之人張體乾以武夫辱戮四品官劉鐸
兵部郎中王登三何以不處薦前職方郎余大成
錢元愬首論逆璫何以即差遣而去惠世揚

方震孺何以不速出獄

新政紀畧卷二終